

Boletín



Oficial

DE LA PROVINCIA DE PONTEVEDRA

EDITA: EXCMA. DIPUTACIÓN PROVINCIAL
ADMINISTRACIÓN: Sección de Gestión de Recursos
Avda. de Montero Ríos, s/n - Teléfono 80 41 00

FRANQUEO CONCERTADO 35/1

TALLERES: Imprenta de la Diputación Provincial
Paseo Domingo Fontán, s/n
Teléfono 87 34 00

Depósito Legal: PO -1-1958

— MIERCOLES 30 DICIEMBRE —

AÑO 1998

Núm. 249

S U P L E M E N T O

DIPUTACIÓN PROVINCIAL

C. P. A. M.

O presente Suplemento está destinado a publicar os textos íntegros das Ordenanzas Fiscais de Taxas cos seus correspondentes anexos, aprobados definitivamente nas datas e polos Concellos que relacionanse seguidamente, dando cumprimento ó disposto no art. 17.4 da Lei 39/88 reguladora das Facendas Locais e para a súa entrada en vigor no 1 de xaneiro de 1999.

ORDENANZA REGULADORA DA TAXA POLAS SACAS DE AREA E DOUTROS MATERIAIS DE CONSTRUCCIÓN EN TERREOS DE DOMINIO PÚBLICO MUNICIPAL

Artigo 1º. Natureza e fundamento

O Pleno do Concello, no uso das facultades concedidas polos artigos 133.2 e 142 da Constitución, polo artigo 106 da Lei 7/85, do 2 de abril, reguladora das bases do réxime local, e os artigos 20 e 58 da Lei 39/88, do 28 de decembro, e de conformidade co disposto nos artigos 15 a 19 da Lei 39/88, do 28 de decembro, acorda a imposición e ordenación da Taxa polas sacas de area e doutros materiais de construción en terreos de dominio público municipal.

Artigo 2º. Feito imponible

Constitúe o feito imponible da taxa a utilización privativa ou aproveitamento especial do dominio público municipal coas sacas de area e doutros materiais de construción en terreos de dominio público municipal.

Artigo 3º. Suxeitos pasivos

Serán suxeitos pasivos desta taxa as persoas físicas ou xurídicas e as entidades ás que se refire o artigo 33 da Lei xeral tributaria que gocen, utilicen ou aproveiten especialmente o dominio público local en beneficio particular, cando algún dos supostos citados no feito imponible.

Artigo 4º. Responsables

- Serán responsables solidarias das obrigas tributarias dos suxeitos pasivos as persoas físicas e xurídicas ás que se refiren os artigos 38.1 e 39 da Lei xeral tributaria.

- Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei xeral tributaria.

Artigo 5º. Cota tributaria

A cota desta taxa será a que figura no anexo desta ordenanza.

Artigo 6º. Beneficios fiscais

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.



Artigo 7º. Devengo

Devéngase a taxa e nace a obriga de contribuír:

- Nos servicios de retribución puntual, cando se presente a solicitude de concesión ou autorización do aproveitamento.
- Nos servicios de retribución periódica, percibirase a taxa o día primeiro de cada ano natural.

Artigo 8º. Liquidación

- Cando se trate de servicios puntuais, liquidarase e esixirase a taxa correspondente en calidade de depósito previo, en todo caso antes de iniciarse o expediente de concesión ou autorización do aproveitamento solicitado.
- Cando se trate de servicios de retribución periódica liquidarase a taxa nos períodos que se sinalen na tarifa da taxa ou co padrón anual de exaccións municipais.
- Se se realiza o aproveitamento ou utilización do dominio público municipal sen mediar concesión ou autorización, liquidarase e notificarase a débeda, esixindo o ingreso nos prazos previstos no Regulamento xeral de recadación para a liquidación de contraído previo, sen prexuízo de abri-lo oportuno expediente sancionador por infracción tributaria.

Artigo 9º. Ingreso

O pagamento desta taxa realizarase:

- Nas liquidacións de contraído previo, na Tesourería municipal ou nas entidades financeiras que na notificación se sinalen. En todo caso, o ingreso será anterior ó inicio do expediente de concesión ou autorización do aproveitamento interesado.
- Nas liquidacións por recibo ou padrón, nas datas e entidades financeiras ou oficinas que se sinalen no edicto de exposición pública do padrón.

Artigo 10º. Infraccións e sancións

Nesta materia estarase ó disposto na Lei xeral tributaria e normativa de desenvolvemento.

Artigo 11º. Normas de xestión

- As persoas ou entidades interesadas na concesión ou autorización para realiza-los aproveitamentos sobre o dominio público municipal a que fai referencia esta taxa deberán presentar unha solicitude achegándolle o plano, o detalle da superficie do aproveitamento e da súa situación dentro do termo municipal. Con carácter previo á autorización ou concesión da licencia do aproveitamento, a persoa ou entidade interesada no aproveitamento aboará o importe da taxa en calidade de depósito previo.
- No caso de denegarse as autorizacións, os interesados poderán solicita-la devolución da taxa ingresada en calidade de depósito previo.
- Unha vez autorizada ou concedida a licencia de aproveitamento entenderase prorrogada mentres non presente a declaración de baixa o interesado.
- Cando remate o aproveitamento, os suxeitos pasivos formularán as declaracións de baixa no censo ou padrón da taxa e surtirá efectos no período natural seguinte ó de presentación da mesma, podendo, no seu caso, prorratearse por meses. A non presentación da baixa determinará a obriga de continuar aboando a taxa.

Disposición Final

A presente ordenanza fiscal, cunha redacción definitiva aprobada polo Pleno da corporación na sesión que tivo lugar na data que se expresa no anexo a esta ordenanza, entrará en vigor o día 1 de xaneiro de 1999.

ANEXOS - CONCELLOS**CAMBADOS**

Primeiro.- TARIFA

Concepto	Ptas./m3
Por extracción de gravas, areas ou semellantes	200
Por extracción de pedra para construcións	400
Por extracción de pedras para postes	300
Por extracción de pedras para machaqueo	150

Segundo.- Data de aprobación: 16 de outubro de 1998.

CANGAS

Primeiro. Tarifa.

- 1.- A contía da taxa regulada nesta Ordenanza será fixada en base ó volumen en metros cúbicos do material extraído, dacordo coas tarifas do apartado seguinte.
- 2.- As Tarifas deste prezo público serán as seguintes:
 - a) Pedra fina branca, de labra.....290 pts/m3
 - b) Pedra de granito para perpiaño145 pts/m3

c) Pedra de mampostería	75 pts/m ³
d) Pedras boas de granito cor amarela	580 pts/m ³
e) Areas e canizos	50 pts/m ³
f) Pedras de utilización en bruto e machucamento	20 pts/m ³

Segundo.- Data de Aprobación: 29 de Outubro de 1998.

MOAÑA

Primeiro.- Tarifas

Materiales	Pesetas m ³
- pedra procedente de canteiras	77
- Xabre ou terras especiais	65
- Calquera outra materia que poida servir para a construción	43

Segundo.- Data de aprobación: 15 de outubro de 1998

O ROSAL

Primeiro.- Tarifa

- Por saca de areas e outros materiais de construción	3.300 ptas/m ³
---	---------------------------

Segundo.- Data de aprobación: 26 de outubro de 1998

SANXENXO

Primeiro. Tarifa.

Zona A:	79 pts/m ³
Zona B:	78 pts/m ³
Zona C:	68 pts/m ³
Zona D:	67 pts/m ³
Zona E:	56 pts/m ³

1º. Para area, grava ou gravilla aplicarase a tarifa zonal que corresponda.

2º. Para o suposto de arcilla, caolín e outros materiais multiplicarase a tarifa zonal que corresponda polo coeficiente multiplicador 2.

Zona A: Paseo marítimo Praia de Silgar e zona portuaria de Sanxenxo, incluíndo a "Rúa dos Barcos".

Zona B: Inclúe o resto do casco urbán de Sanxenxo e o da vila de Portonovo.

Zona C: Inclúe os cascos urbáns das vilas de Vilalonga, Noalla e A Granxa.

Zona D: Inclúe os demais núcleos do municipio.

Zona E: Inclúe a zona rural do municipio.

Segundo. Data de aprobación: 04.12.98

ORDENANZA REGULADORA DA TAXA POR OCUPACIÓN DO SUBSOLO DE TERREOS DE USO PÚBLICO MUNICIPAL

Artigo 1º. Natureza e fundamento

No uso das facultades concedidas polos artigos 133.2 e 142 da Constitución, polo artigo 106 da Lei 7/85, de 2 de abril, reguladora das bases do réxime local, e os artigos 20 e 58 da Lei 39/88, de 28 de decembro, e de conformidade co disposto nos artigos 15 a 19 da Lei 39/88, de 28 de decembro, ácorda a imposición e ordenación da Taxa pola ocupación do subsolo de terreos de uso público municipal.

Artigo 2º. Feito imponible

Constitúe o feito imponible da Taxa a ocupación do subsolo de terreos de uso público municipal.

Artigo 3º. Suxeitos pasivos

Serán suxeitos pasivos desta taxa as persoas físicas ou xurídicas e as entidades ás que se refire o artigo 33 da Lei xeral tributaria que gocen, utilicen ou aproveiten especialmente o dominio público local en beneficio particular, cando algún dos supostos citados no artigo segundo.

Artigo 4º. Responsables

- Serán responsables solidarias das obrigas tributarias dos suxeitos pasivos as persoas físicas e xurídicas ás que se refiren os artigos 38.1 e 39 da Lei xeral tributaria.

- Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei xeral tributaria.

